

新纂雲南通志

第一百二十一册

卷二百三十三

文苑傳二

卷二百三十四

文苑傳三

卷二百三十五

實業傳

盧漢題

簽





新纂雲南通志卷一百三十三目錄

文苑傳二

臨安府

明

沈政

葉瑞

許登瀛

尹愉

楊忠亮

陳世治

蘇經世

清

闕禎兆

孫申之

葉來

塗大輅

張士宏

王芷

盧先列

江廣

何其僕

王孫澹

何其偉

趙河

塗暉

許涵

萬咸燕

劉騰蛟

賽璵

王浩

田沈

沈彬

萬友正 李雲程 李鳳彩 李松齡 談去矜

劉烈 楊鯤 瞿鞏祚 蔣爨 朱奕簪

劉大容 董灼文 劉士珍 張登恆 武次韶

胡瀛 袁襄武子長 森等 馬良臣 劉瑞圖 高杰

王昕 楊夢碧 丁坊 朱宗洛 張為緯

塗構基 李擎西 任慶芝 羅覲恩 廖椿齡

陳翽 趙廷樞 鄧學先 朱庭碩 曾彬

戴傳經 鄒佩南 蘇侗妻丁 玉翠 許重光 王綺珍子荃

曾思濬 龍駒 楊浥膏 楊壯猷 任榮壇戴雅 南

向壁人 王士勤 王璘 彭臣商 張梅川

朱在勤 沈昭清 朱庭珍弟芬 等 陳庚明弟畢 明 葛蔽榮

袁嘉樂 弟嘉謨

高永和

段之屏

衛家瑋 從兄家珍

曹慶恩

丁庶凝

張注東

閔道

楚雄府

明

李珏

陳士恪

俞汝諧

丁希度

姜維藩

薩天璟

王冕

清

高裔映

李天秩

薩綸錫

周之望

王正

李春輝

蔡友松

高乃裕

羅琦

黃中理

饒宗賢

向雲翔

趙美

甘榮昌

王安庭

吳宗魯

劉階

卜不緒

卜履泰

宋家善

馮夔

宋光宅

李楷材

澂江府

清

管灝

謝儼

李應綬

張紫文

李可栻

段琦

葛燁

萬雲

楊士煥

張中孚

侯增福

顧文彬

廣南府

清

蔣安世

趙鐸

王元橋

嚴誠

王佩瑋

梁恩明

順寧府

清

袁昶

邱灝

羅一鵬

陸安府

明

新纂雲南通志卷二百三十三

文苑傳二

臨安府

明

沈政字行之通海人景泰癸酉舉人歷官太常寺少卿淹貫經史尤

長於詩時人比之輞川亦善畫有宋宣和筆意

參雍正志
通海縣志

葉瑞字應期建水人正德辛巳進士任石門知縣政尚寬簡擢戶部

主事權商稅民間稱便著有河洛解律呂書藏於家

臨安府志

許登瀛字小魯通海人萬曆乙酉舉人官中書性穎敏工古文詞著

述甚富有觀海亭等集行世

臨安府志

尹愉蒙自人萬曆乙酉舉人歷任衡州知府多惠政博學工詞翰著

有來紫堂集

臨安府志

楊忠亮字蓋卿石屏人父滋任舞陽知縣有能名忠亮以萬曆丁酉舉於鄉自平武知縣擢固原鎮同知所建籌邊裕餉招募屯田戰守諸議俱通達治體鑿然可見之施行著有素吟草山窗漫言等集

參雅正志

臨安府志

陳世治石屏人自號抱甕老人著有四始元音及莊子注

臨安府志

蘇經世石屏人貢生性端方動履不苟嗜學強記至老不輟著有中庸集解妻馮氏少有廢疾妻家請罷婚經世卒娶之尤爲人所推服

云

雍正志

清

闕禎兆字東白通海人康熙癸卯舉人少負經世之學於國計盈絀

吏治臧否民生利病靡不淹貫該洽燭照數計大吏器其才禮聘咨詢均徭平賦諸大政皆所籌畫晚年所學益富著有大漁集北遊草

參通海志
臨安府志

孫申之字崧岳石屏人康熙己酉舉人少孤好學著有鏡舫詩文集子穎以諸生講學生徒極盛許賀來張漢輩皆出其門州人號其家

塾爲星聚館

臨安府志

葉涑字肇沈建水人生而穎異年弱冠中康熙辛酉副榜卒不第遂一意博綜諸子百家靡不周覽一日方曝書客雜取試之應口成誦詩文奧古其儷體直入六朝之室性慵懶畏見人不事修飾郡邑守令時時延訪每敬其直而笑其疏涑澹然自若不以爲意興至則懷餅餌獨入山野墟側斷碑寺中殘碣一事之微一言之美必錄以歸

臨安文獻惟來得其要授南寧教諭到官年餘卒有詩文集四十卷

參滇南文略
臨安府志

塗大輅字玉華石屏人明諸生入清不仕性疏曠嗜學能文府州志

皆出其手生平纂輯甚富著有曼衍集鐵船稿林壑雜藝

雍正志
及採訪

張士宏通海人貢生任姚安訓導沈靜好學博洽多能對客必具衣

冠雖童子不敢忽有叩經史疑義者輒剖晰詳盡工書善詩年九十

七卒著有鶴嶠文集

參雍正志
臨安府志

王芷河西人性穎悟讀書兩行竝下為文立就尤工詩古文詞纂修

縣志人亟稱之

雍正志

盧先列字欽庵通海人康熙丁卯舉人任昆陽學正孝友勤學著有

四書纂要尚書要旨兄先覺亦舉人與之齊名

臨安府志

江廣蒙自人家貪嗜學史漢皆經手錄教授生徒一方學者多師宗

之著有四書語錄

雍正志

何其僕字天成石屏人歲貢生博極羣書多歷名山大川著有十笏齋墨雨樓文集迤西圖說元師平滇道路考西藏指掌各卷子朗官

檢討亦有集

參臨安府志續纂

王孫澹石屏人康熙己卯舉人任鎮南州學正平生勤學淹貫諸書

手錄至數百帙皆能成誦獎進後學無疾言厲色著有鈍齋文集

雍正志

何其偉字石民石屏人其僕弟也康熙己卯舉人博學能文官遂昌

知縣治績著聞尋告養歸家居十餘載足不出戶以詩書自娛宏獎

後進與修省府兩志著有我堂詩古文集

續

趙河字燕鄰通海人康熙壬午舉人官蘆山知縣著有待焚草一卷

其兄子城跋之曰季父純孝平生口不言阿堵物惟於書未嘗釋手
過眼成誦爲文率吐棄一切抒寫性靈於詩初愛太白後乃心慕少
陵宋代推子瞻聖俞斷句推臨川所爲詩文多不存稿嘗謂古詩十
九首尙不肯以姓氏留人間後因城力請乃酌定此本在任未半載
謝病歸布衣疏食萬卷一瓢陶然自足云

繫演

塗暉字煦庵石屏人康熙乙酉舉人昆明縣教諭著有野荅堂詩集
同鄉許秀山以爲微而顯平而奇何我堂以爲丰骨遒勁意致遙深
取材博而用力專非過譽也工行草書雅近王覺斯祝枝山尤長榜

聯石屏人士極推重之

方樹梅演
賢象傳集

許涵字海若石屏人康熙乙酉舉人任湖口知縣建尊經閣修城垣

設義學行取中書舍人告養歸著有致遠堂集竹軒吟藏於家

臨安
府志

萬咸燕字舒重石屏人康熙辛丑進士天性英敏每入書肆披覽載籍過目不忘任麗江府教授佐郡守改建學校構雪山書院修志略

十卷以卓異遷井研知縣

臨安府志

劉騰蛟字雲臺石屏人雍正丁未進士博聞強記留心於天人性命之旨尤精象數為文踔厲風發著書數十卷有天運行度考孝經衍義洪崖七暢中星論等篇官定興知縣調文安未久即歸年七十卒

所著述多散失

道光志

賽瓊字琢庵石屏人雍正己酉舉人勤學好古八上春官不第授洪縣知縣著有夢鼇山人集藏於家後以重赴鹿鳴欽賜進士

道光志

王浩字沛蒼號岳山蒙白人少為諸生持身如處女事父母孝居喪哀毀骨立啜粥飲水三年如一日能文兼工書畫康熙辛卯舉於鄉

益勳品行非公事不謁邑宰雍正元年舉孝廉方正庚戌成進士以

主事分刑部廣東司學習卒於官著有古文指歸今文指歸採訪

田沈字濟東建水人性穎異成童時即博覽經史年十二補諸生歲

試輒冠其曹孫見龍稱爲天授之才乾隆壬戌成進士選庶吉士習

清書會上幸翰林院分韻賦詩成柏梁體沈得梁字有斟羹嚼馘飫

膏粱之句賜書二部緞絹各一未散館卒道光志

沈彬字德勻阿迷人家貧力學不謁津要世居龍母山學者稱爲龍

山先生爲詩不襲近人語同里劉大紳刻其遺稿傳之臨安府志

萬友正字端友阿迷人乾隆壬申舉人歷官武寧青神古田知縣著

有汗漫初二集齊召南謂其氣概豪邁又能刻意求工知其得力於

阮亭者最深云滇南詩略

李雲程字鵬九石屏人家世務農雲程崛起力學登乾隆甲戌科進士官廣西府教授以事謫戍四川大竹蜀人聘主順慶懋修書院著有古文筆法四卷圖說一卷寓川草三十二卷其門人爲之刊行於

蜀

道光志

李鳳彩字文五建水人乾隆甲戌明通進士任鎮洋儀徵知縣內遷通政司經歷預千叟宴賜詩章壽杖年七十卒於官著有銀臺詩集

杜詩中論集註

道光志

李松齡字芳遠寧州人性穎悟五歲時塾師以孤山四面水屬對即應聲曰平地一聲雷師大異之七歲作荷珠賦爲鄉先輩所賞識及長學益進文名著一時中乾隆己卯解元庚辰成進士官翰林院檢

討

道光志

談去矜字靖安蒙自人乾隆乙酉舉人性至孝事繼母能察形聲家貧刻志勵學爲諸生時已知名居家教授及門甚盛任增城知縣致仕歸著有漁癡文集如晉詩集子錫福錫疇錫福以嘉慶辛未成進

士著有學劄齋內外編錫疇舉人工詩文

道光志

劉烈字讓聲蒙自人乾隆庚子舉人讀書不隨曹好幼見先賢言行錄即手寫一通既長以孝聞居喪三年不入內所居以書環四壁自經史以下至農圃醫卜書莫不遍誦而躬行實踐則一以宋儒爲歸嘗遊書肆見有淫詞小說及與宋儒牴牾者輒買焚之曰此義理之蠹也將赴部截選未就而卒著有爾雅正音杏北前後文鈔說枯鈔理學考南北驛詩草讀史詩若干卷學者稱槐牆先生

道光志

楊鯤阿迷人乾隆癸酉舉人知湖南安福縣幼敏慧早歲登科生平

嗜學好搜羅考核本境軼事著有迷陽野史板存安福署內

光緒志

瞿鞏祚阿迷人乾隆辛卯鄉試第一潛心理學兼工制藝遠近從學者衆家有石形如柳遂題其室曰石柳齋朝夕課徒其間著有石柳

齋詩文集

光緒志

蔣爨字晴嵐建水人乾隆乙卯舉人以知縣發四川初任通江上官以廉明疏請留任調任清溪力除弊政士民德之解組歸布衣疏食

不談時事日以詩畫自娛著有遂初草詩集

光緒志

朱奕鑾字笏山石屏人乾隆庚子舉人官四川什邡知縣奕鑾幼負才名未冠即登賢書最工詩古文詞與羅覲恩陳履和齊名時號龍

湖三子著有笏山文鈔芋栗園詩鈔晚香堂詩說春秋說諸書

光緒志

劉大容字雲門寧州人少通經史能文章而屢困場屋退隱於酒至

四十始學爲詩於宅邊築醉吟草堂藏書萬卷種花木百本飲酒吟
詠其中晚益厭城市退居其兄之潭西老人別墅水木絕勝聽松風
聲悠然悟詩中三昧詩境愈進性好遊時從三五少年輩登山臨水
藉草坐且飲且吟不知老之將至生四子長者成進士官閩中將迎
養大容不往謂座客曰吾杖頭錢自足願與君日觴詠老死故鄉題
墓道曰醉吟先生足矣年就衰預治酒壙邀諸人觴詠其間卒年七

十

孫鍾撰傳

董灼文字見山號勿軒寧州人諸生能古文詩則縱意所之不求合
古人矩矱而言之長短與聲之高下皆宜性傲岸大言不忌使酒罵
坐其卒也父執劉大紳爲撰墓碑深惜其才而幸其得良死云

參劉大紳撰墓碑及

劉士珍建水人嘉慶甲子舉人知順天香河縣博學能文著有知不

足齋詩集百蠻圖讚

光緒志

張登恆寧州諸生學專格物凡天地風雲以逮昆蟲草木之鳴息榮枯無一不究極其理而識其所以然著有醒迷篇一書數十萬言分

上中下三篇頗多精當語

探訪

武次韶建水人嘉慶己巳進士知江西玉山縣好學工詩著有紅茗

山房詩草

光緒志

胡瀛石屏人嘉慶中貢生工詩及駢體文歿後遺稿散失惟憶異龍

湖絕句十章清麗芊綿至今猶膾炙屏人之口

探訪

袁襄武一名瀛升字酉山石屏人鳳孫子道光壬辰舉人積學工詩

文藏書之富爲石屏冠著有酉山詩文集子長森字小癡道光中拔

貢官四川候補知縣工詩一時稱爲豔才少年殂謝士林惜之著有
小癡詩集襄武兄子景伊字子程諸生博學工駢文亦能詩有詩文
集襄武族弟恩暉歲貢生亦能詩有詩集藏於家採訪

馬良臣字海亭通海人嘉慶辛未進士家貧力學諸子百家之書靡
不窮究著有訓蒙文草光緒志

劉瑞圖字文初通海人貢生少嗜學六經皆手鈔誦比長諸子百家
之說悉心研究嘗從學浪穹王崧崧稱其學問淹博一時無兩生平
著述甚富以家貧未梓散佚邑人惜之光緒志

高杰字雲軒石屏人道光辛巳舉人官趙州學正生平剛介以氣節
自勵其詩文名重一時著有雲軒制藝偶存光緒志

王昕字夔廷石屏人道光乙酉舉人官昭通府教授內行敦篤工詩

能書學尤淹雅所著有夔廷詩文集及經史折衷夔廷筆記等書

光緒志

楊夢碧寧州人家貧力學善屬文尤工書法而數奇不偶遂棄舉子

業退居隴畝吟咏自適有遺稿二卷詩曰落落吟文曰畸談云

採訪

丁坊字諾齋石屏人載周子道光乙酉舉人官趙州學正處家庭以

孝友聞力貧積學尤工古文著有諾齋文鈔平演論藏於家孫逢庚

舉人自有傳

光緒志
兼採訪

朱宗洛字靜齋石屏人道光戊子舉人生平以經學教授鄉里多所

成就尤工制藝著有靜齋文稿

光緒志

張為緯字赤城石屏人道光甲午舉人道德純粹工詩古文詞著有

赤城文集詩集藏於家子宸同治庚午舉人自有傳

光緒志
兼採訪

塗構基字時五石屏人道光丁酉舉人官雲州學正學問淹邃能文

工八法其隸體草書大字尤偉州人得其遺跡皆寶藏之著有時五

制藝文存

光緒志

李擎西字松坪石屏人道光乙亥舉人性行謹篤家貧力學知名於

時著有松坪文鈔詩鈔藏於家子以莊歲貢生亦有文名

光緒志及採訪

任慶芝字庚園石屏人性聰敏博學能文工詩隨父澍南赴京入國
學應南北鄉試皆屢薦不售遂無意進取同鄉陳履和令浙江聘主
東陽書院講席士林咸服之歸家後杜門謝客吟咏自樂著有杏園

詩集

光緒志

羅覲恩字汝勤號琴山石屏人歲貢舉孝廉方正覲恩天性高曠中
年即絕意進取隱居著述尤精於詩所著有臥遊癯禪遊燕遊吳諸
集晚年刊定爲琴山詩鈔學使汪如洋爲之序迤南風雅倡自覲恩

與朱奕響陳履和廖椿齡齊名安徽姚鼐極稱之詩載演詩嗣音集

光緒志

廖椿齡字思田石屏人庠生天才豪放落筆萬言立就詩有奇氣絕近太白保山袁文揆兄弟輯演詩略採錄其詩甚多極稱許之卒年僅三十有六所著萬松樓詩文集家貧未刊子孫中落今無從訪問

矣

光緒志

陳翽字鵬程石屏人道光癸卯舉人官馬龍州學正自幼潛心理學一以宋五子爲宗制行尤謹所著有敬思續錄補錄儒林言行錄明儒萃語等書其時文尤高古有雲峯講義及雲峯講藝前後稿同治中歿於京師無親友子弟在側著述散佚殆盡存有時藝一册友人

朱庭珍爲刊行世

光緒志

趙廷樞字子密通海人道光癸卯舉人官直隸知縣少孤家貧事母以孝聞生平博學躉直有行不由徑風家居課徒多所成就如庶常段樹藩舉人張純仁張惟聰馬元俊輩皆出其門著有雲軒詩文集

四書講解等書

光緒志

鄧學先字典字號虹橋蒙自人卯角時即能爲詩文有神童曰道光壬午舉於鄉辛卯以疾卒學先爲人初不羈恃才傲物既而潛心宋儒學恂恂然規行矩步大反其前日之所爲其詩文亦日謹嚴有法度歿無子遺稿散失同年曹士桂蒐於其家得詩數十篇寄京昆明戴綱孫刪訂爲五十四篇序稱抑揚抗墜變雅遺音同邑陸應毅附刻於抱眞書屋詩集後雲南叢書別出而刊爲專集

採訪

朱庭碩字箬生石屏人由副榜官南寧縣教諭監五華書院事少負

俊才總督羅繞典吳振棫學使吳存義交重之學問淹雅工詩能書
著有可自怡齋詩集文集唐文選粹文苑津梁箬生經解等書藏於

家

光緒志

曾彬字小林建水人咸豐乙卯鄉試第一明敏好學才情倜儻工詩

善書畫著有環翠山房詩集

光緒志

案曾彬詩其族人曾傳經等爲之印行於世名香南館詩集

戴傳經字翼庭石屏人道光庚子舉人邃於經學隱居樂道教授鄉

里及門多所成就其制藝試帖名重一時著有三傳合纂未刊

光緒志

鄒佩南建水人與弟佩銘當丙辰兵變閉戶讀書博通經史佩南遇
賊不屈死佩銘以攻苦成疾死佩南著有稻香野屋詩集佩銘著有

竹山居詩集時人以大小宋目之

光緒志

蘇侗字守愚石屏人諸生生而穎悟尤肆力於學丙辰亂作棄制舉業閉戶謝客詩酒自娛與妻丁玉琴相酬和著有古檜齋詩集二卷玉琴性婉淑讀書曉大義善畫花卉亦工吟咏著有繡餘偶吟二卷

子林春拔貢生有孝行亦能詩林春子慈光緒己丑舉人

光緒志及採訪

許重光字心葵石屏人道光中拔貢官順寧縣教諭工詩學使吳存義極重之惜卒後遺稿散失光緒中其少子韻璋為之搜集僅獲數

章而已韻璋光緒乙酉舉人韻璋子贊堯師範科舉人

採訪

王綺珍字漁珊石屏人咸豐己未進士官吏部主事補考功司未任而卒綺珍幼負異才嗜學工詩甫弱冠即登丙午賢書以試律見賞於主司潘曾瑩擊節吟誦傳示各房一時膾炙人口中年肆力詩古文詞足迹幾遍天下官吏部時除日入曹司治事外惟杜門著述絕

迹不謁權貴時肅順當國訪聞其名招之至再許以軍機章京笑謝而已終不往也卒年甫四十餘邑人惜之著有水石居詩文集子荃

光緒癸未進士能以文學世其家

光緒志

曾思濬字禹門通海人賦性冲和溺苦於學爲文純謹有法度道光甲午領鄉薦課徒於家成就者衆後以會試入都同鄉京官爭相延致庶常李瑞裕等皆出其門咸豐庚申成進士歷任五臺臨縣知縣著有秀麓山房時文

光緒志

龍駒字杏林石屏人歲貢生制行謹恪家貧溺苦於學博通經義以制藝名滿一時在籍侍郎黃琮掌教五華選刻五華課藝駒與其選未第而終邑人惜之著有杏林文稿藏於家

光緒志

楊浥膏字雨若石屏優貢官廣南府教授工書善詩賦學使葉覲儀

極賞之著有錦葵軒文集雨粟樓詩賦草

光緒志

楊壯猷字勳臣石屏人由副榜官至廣南府教授生平邃於經學以時文著名於時歷官嚴於課士及門成就亦多年近九十乃卒邑人

至今稱之

光緒志

任榮塏字秋航石屏人庠生榮塏負才使氣於時流少所許可生平

專攻詩學一以杜甫爲宗他人不屑道也著有秋航詩鈔滇詩人傳

秋航讀史說藏於家卒年甫及四十無子邑人惜之又有戴雅南者

亦石屏人詩與榮塏齊名

光緒志及採訪

向璧人字柳門號石田河西人常慕蒲松齡之爲人故顏其齋曰亦

聊齋著有亦聊齋詩文稿若干卷爲人跌宕自奇於學多有心得嘗

曰今人非讀孔孟之書乃讀宋儒之書耳故立說多與宋儒異又嘗

著老狂生說以見志云

訪探

王士勤字精一號芸軒嶠峩人道光戊子舉人歷任祿勸趙州永善保山新興訓導廣西州學正兩長他郎書院所至皆有聲暮年歸里

仍以教授生徒爲樂事著有芸軒詩詞

訪探

王璘字鍾叔號瓊山嶠峩人同治癸酉舉人工詩賦有瓊山文稿

訪探

彭臣商字勳廷嶠峩人歲貢生少負氣節家貧力學教授生徒垂五十年邑中俊髦多出其門母死哀毀骨立喪葬盡禮兩弟贊商覲商受教成名爲邑正紳贊商中年殞折撫其孤若己子鄉黨稱其賢卒年八十

訪探

張梅川字春榮河西人性穎異年十歲補諸生號稱淹雅因鄉試屢薦不售遂絕意進取以守先待後自任著有五經序解尤邃於易日

與諸生講論亶亶不倦教讀五十餘年成就甚衆云

採訪

朱在勤字幼木號次民石屏人布政使臚子幼承家學工詩文多材藝咸豐辛亥舉於鄉由恩廕知縣加捐知府以保衛地方功保候補道分發四川任夔關釐局總辦卒於蜀有次民詩鈔行世

採訪

沈昭清通海人咸豐辛亥副榜天性孝友善事繼母兼工詩古文詞

著有秋湖詩鈔賦鈔

採訪

朱庭珍字小園石屏人家學子幼聰穎隨父宦魯直九歲能詩稍長隨父還滇博極羣書值滇亂起歷佐諸將戎幕保以官不受光緒中與山陰陳鵬父子石屏陳庚明昆明張星柳施有奎李坤劍川趙藩保山吳式欽晉寧宋嘉俊臨川雷鳳鼎陳憲等名士十餘人結蓮湖吟社於昆明諸人推爲社長時滇經大亂後公私典籍多焚毀士子

讀書少詩文多流於空滑一派庭珍力倡以典雅生造文風爲之一變岑毓英續修雲南志庭珍之筆爲多戊子舉於鄉年已四十七矣赴春闈落第歸值經正書院成立聘爲閱卷委員衡文一以典雅生造爲標準經正文風爲滇省各書院冠庭珍與有力焉年六十二卒其詩典雅精悍南海譚宗浚極賞之清末論滇中詩人者亦多推庭珍云性慷慨篤交誼友人張星柳陳詡早卒出資爲刊其詩文稿尤喜獎掖後進其所品題多成名者所著穆清堂詩鈔續鈔及穆清堂詩話並流傳於世弟芬字竹虛光緒庚寅進士官直隸新城知縣亦能詩庭翰字蘭卿歲貢生亦工詩文兼善畫花卉爲人和易富愛情其卒也繼妻王氏服毒殉焉與庭翰齊名者有張桂輪字月枝亦石屏人宸子光緒丙子副榜主講玉屏書院博學能詩文著有入都集

陳庚明字又星石屏人同治癸酉拔貢光緒辛卯舉人歷官彌勒安寧訓導庚明博學多材藝尤長於詩古文詩與朱庭珍張釗紘齊名二人皆以奇橫推之中年與庭珍等結蓮湖吟社於昆明才名藉甚晚年主講嵩明嵩陽書院未幾卒年六十三著有願學齋詩文集弟畢明字月溪亦辛卯舉人與庚明爲異母兄弟而兄友弟恭親愛轉勝於同母者性早慧年十二入邑庠及長考入經正書院爲高材生總督王文韶巡撫譚鈞培皆以大器期之後以三試春官不第抑鬱成疾卒年僅二十九士林惜焉

探訪

葛黻榮字蔚然號仙巖河西人幼孤寄食姻戚所勤讀不倦年十餘即知名中年以明經襄辦軍務保花翎同知銜四川補用知縣善駢

文工韻語生平篤於友誼以信接物以禮持身其講學蓋宗程朱云

訪採

袁嘉樂字徵祥號雪樵石屏人諸生工詩閉戶二十年購古今詩集數百昕夕丹黃至忘寢食有雪樵遺稿弟嘉謨字銘泉晚號叟泉石

屏人性孝友爽直官嵩明訓導著有冷官餘談

訪採

高永和字義庵建水人光緒己卯舉人煥文書院主講景東教授工詩文精書法著有南征吟草二十卷勿齋文集八卷北上日記三十

五卷藏於家

建水縣志

段之屏建水副榜多聞博識明於輿圖光緒間滇督奏派與英人劃

緬甸界法人劃越界

建水縣志

衛家琇字子瑩石屏人光緒戊子舉人數上書當道言兵事及時政

巡撫張凱嵩奇其才設儲才館以處之時與其選者三人滇人居其二即家琇與周文龍也未幾凱嵩卒館廢家琇再試春官不第客河南學使幕與校試藝得暴疾卒年三十八其友魏餘慶爲具棺衾斂送其喪還滇餘慶字積堂亦石屏人光緒戊子鄉試第二少年英俊與陳畢明齊名既送家琇喪歸未幾亦卒年未及三十屏人兩惜之家琇從兄家珍字桐齋同治庚午舉人官昆陽州學正亦有文學家琇嘗從之受業家珍子光禧字書樓光緒癸巳舉人亦倜儻能文兼知醫著有書樓文集

採訪

曹慶恩字厚澤河西人隨父商於通海遂僑寓焉幼爲諸生每試輒冠其曹選充經正書院高材生未幾領光緒辛卯鄉薦晉京應禮部試卒於京邸年僅二十七士林惜之

採訪

丁庶凝字辰五石屏人以諸生受知於學使高釗中送入經正書院
爲高材生性慷慨好談兵治經史亦具特識惟數奇不偶屢因秋闈
庚子之變北上從軍亦不得志年四十餘始以巡檢分發湖北候補
屢上書總督瑞澂言兵事不見省又以旅寓失火爲搬運夫胥其篋
而去著作財物俱失寄食友人嚴天駿寓抑鬱成疾卒

採訪

張注東字晉西石屏人京師大學堂德文班學生成績優良每試輒
冠儕輩光緒末以爭浙江鐵路事奔走呼號得疾卒年僅二十四時

人傷之

參林紓撰
傳及採訪

閔道字一之蒙自人少以諸生肄業道成書院每試輒冠儕輩文名
藉甚光緒癸卯舉於鄉甲辰成進士官河南濬縣知縣未幾卒年甫

逾三十時人惜之著有詩文集

採訪

楚雄府

明

李珏楚雄縣人萬曆乙酉舉人精於理學復有吏才著有四禮什一

自治編生民未有編等集世奉為典型仕至都勻府推官

楚雄府志

陳士恪字元敬楚雄縣人父我猷舉人任南川知縣嗣父我德進士

任福清知縣皆有循聲士恪以崇禎壬午舉於鄉淹貫經史尤長風

雅題詠甚富前纂通志與有力焉所著有庸言鴻雪草

參雍正志楚雄府志

俞汝諧楚雄縣人諸生天姿雋拔學博詞宏尤長詩賦為郡中風雅

冠

雍正志

丁希度定遠人諸生長詩文屢試冠軍講學萬春山桂香閣著有枕

泉詩稿

雍正志

姜維藩字介侯楚雄縣人敦厚周慎爲儒林坊表勤學好古所著有

浪棲草雍正志

薩天璟字又宋楚雄縣人諸生素行修飭讀書講學科貢出多其門

著有燕攜草雍正志

王冕大姚人歲貢生有學行初邑人士不嚮學冕振興之遂有讀書

仕進者官洪雅教諭訓士以主靜爲功以明道爲要士皆從之大姚縣志

清

高裔映字雪君明時世襲姚安土同知清初投誠仍授世職博學能

文著有妙香國草增訂來氏易注等音聲位合彙續雞足山志暨理

學西銘諸補述數十種參演繫清兩詩略

李天秩字會嘉楚雄縣人康熙庚午舉人屢躋南宮益肆力於文章

巡撫王繼文重其才延主五華書院講席琅井文風由天秩開之著

有史記評林會嘉文集若干卷

參雍正志
楚雄府志

薩綸錫字言如楚雄縣人性穎異嗜學勤苦幾成羸疾善屬文執筆

立就詩亦清逸以康熙乙未成進士選庶常授檢討志切當世之務

未就卒著有雁山詩集德慶堂詩稿

參雍正志
楚雄府志

周之望楚雄縣人拔貢生善事祖母恪遵父訓講明理學自成均肄

業歸主講鳳山書院有千里受業者多成科第著有詩文稿若干卷

常以館金分給貧乏後子孫多貴顯

楚雄
府志

王正楚雄縣人副貢生任元江教授著有鶴亭雅集薇山詩品

楚雄
縣志

李春輝楚雄人歲貢生閉門謝客嗜學好古尤深於易自爲註釋又

於每卦下釋詩一首世寶其書

楚雄
縣志

蔡友松姚州人康熙辛卯舉人知光山縣有政聲篤行力學善誨生

徒進士樊仲琇甘美等皆出其門生平著述甚富歷久散佚

姚州志

高乃裕號海溪姚州土同知博學工詩著有焚餘集四卷行世

姚州志

羅琦姚州人廩生性警敏好讀書窮探經史尤喜讀宋人語錄及周

易諸書著有經義備覽道學集要若干卷卒年三十士論惜之

姚州志

黃中理姚州人乾隆乙酉拔貢博通經史工詩善書著有詩稿四卷

姚州志

饒宗賢姚州人乾隆間歲貢敦孝友苦志力學善誘生徒所得脩金

盡以周鄉里之貧乏者耽吟咏著有古近體詩數千首年久散失

姚州志

向雲翔姚州歲貢博通羣籍善教生徒官建水縣訓導有賢聲著有

爾雅草一部

姚州志

趙美字含章姚州諸生家貧力學不求聞達工書畫通天文博覽經史尤致力於易學精求象數嘗繪南極北極二圖以觀星象著有南堂啓蒙集夢梅書屋詩稿朱子家訓引證副榜官全爲之序

姚州志

甘榮昌字泰交姚州歲貢性敏捷善屬文與兄榮祿相師友家居教授生徒來學者數百人著有柳村集

姚州志

王安庭字桐門姚州人道光壬午舉人官廣南府教授性純雅博通經史工文藝主講大成書院多所成就所爲詩文三姚人士無不爭相傳鈔嘗與學正王塏纂修姚州志弟芝庭辛卯舉人博學能文名

與安庭相埒

姚州志

吳宗魯字嶽雲楚雄縣人道光丁酉拔貢庚子舉於鄉仕終廣南府訓導宗魯性敏慧敦孝友年十二入邑庠五經皆熟比長學愈博文

宗金陳詩賦沈酣漢魏六朝下筆千言立就巡撫顏伯燾稱爲滇中
名宿五上春官不第邑人惜之著有廿一史忠奸詠月樵文集詩集
若干卷兵燹稿盡遺失

光緒志

劉階字竹樓楚雄縣貢生性警敏比長博極羣書過目不忘詩文雜
著古雅有奇氣郡守宋湘極賞之以爲當時學問淵博無出其右者
累應鄉試迄不第家居授徒入庠登科者百數十人著有理學淵源
五聲異同辨歷朝輿圖考等書藏於家咸豐庚申城陷書燬階亦死

之

光緒志

卜不緒字繩武楚雄縣舉人幼聰穎家貧力學博通經史詩文均腹
稿頃刻立就任雲州學正引年歸著有四書通解詩文啓蒙等書散

佚無存

光緒志

卜履泰字平階楚雄縣人咸豐辛亥舉於鄉家世業儒履泰幼而嗜學積書萬卷日以考訂經史爲事工駢體尤熟清朝掌故遊歷十數省當時名公巨卿爭延之所削牘引經據典朗若列眉名重一時晚年歸里以醫濟人地方利弊多與當道爭是非鄉里隱受其福年六

十終於家

光緒志

宋家善字繩夫楚雄縣廩生性沈靜嗜學數年足不出戶爲文刻摯奧衍數赴秋闈不售遂絕意進取閉門研究經史所著有寡過編讀

史心得詩經書經節解等書

光緒志

馮夔字賡廷楚雄縣貢生家極貧勵志讀書博通經史詩古文詞宏博精深家居授徒歲恆數十百人至室不能容夔循循善誘十數年間成名者數百人爲人言規行矩鄉黨奉爲坊表所著有淺語啓蒙

初學文法等書傳於閭里光緒志

宋光宁字輔庭楚雄縣歲貢安貧力學淹貫經史百家郡人咸稱之

曰宋書櫛教授生徒先德行而後文藝故成材者衆著有五經蘊粹

等書三十卷兵燹被燬光緒志

李楷材字儒臣號少傳楚雄諸生父維述以平亂功官總兵楷材幼

慧嗜古學髫齡作滇南懷古賦見賞於石屏朱庭珍因從之遊學大

進項城高釗中提學滇南拔為經正書院高材生與石屏袁嘉穀為

文字交甚相得其詩沈鬱綿麗出入溫李錢劉間歲癸卯墮樓下竟

死年三十三採訪

激江府

清

管灝字若梁新興人康熙甲戌進士選庶常授檢討好古博學充養

縝密後改吏科給事中歸捐修學宮纂成州志

雍正志

謝儼河陽人康熙丁丑進士任仁和知縣博通經史涉筆如飛分修

通志一時服其淹貫

雍正志

李應綬字在公河陽人康熙己丑成進士選庶常雍正元年授藁城

知縣推陞都察院經歷引見蒙恩親指湖廣竹山江西泰和二縣令

其自擇應綬跪奏臣願泰和帝心喜悅准食六品俸著有紀恩詩廉

城西昌草致仕歸纂修澂江郡志

道光志

張紫文字原質號集廷河陽人康熙己酉舉人好學工詩與姚安高

喬映呈貢文化遠齊名保山徐崇岳謂演僅僅兩個半人耳雪君又

山爲二人集廷張子得少半焉崇岳言如此可以知紫文詩之造詣

矣著有罪吹亭詩集

參瀆文錄小傳
晚春堂詩序

李可栻河陽人貢生任羅次訓導工書法康熙五十八年纂修郡志

雍正十年纂修瀆志皆與焉

道光志

段琦字可石河陽人乾隆庚子進士胸次磊落淹通經史旁及諸子
百家尤長於詩授荆溪知縣調金壇以疾歸掌教東川路南彌勒宜
良等書院在宜良時有改建黌宮落成詩一百二十韻年九十一以

壽終有可石小草行世

光緒志
及採訪

葛煒字麗南江川人乾隆戊申舉人篤志博學教授生徒嘗因前縣
令修志未成煒採訪成志草二十九卷今之縣志多所本焉

道光志

萬雲字雨卿江川人嘉慶丙子舉於鄉性冲淡學博雅春闈屢躋歸
愈肆力於學凡天文地理百家諸子之書無不兼綜條貫經年不履

城市不謁公庭四方欽慕造廬問難者無虛日

光緒志

楊士煥江川貢生沈酣經籍負文譽試屢北持躬方正待人謙和常

授徒新興江川間以敦品勵節爲先造就者頗衆年八十一終

光緒志

張中孚字懷信江川人光緒乙亥舉於鄉淹貫經史通兵法咸豐間

匪徒滋擾防勦守禦多所決策後任通海教諭嘗與諸生講務本敦

倫正誼明道之學靡不心焉佩之而持躬謙退遇人誠信著有家訓

偶錄性理諸書祿雲紀事鳳麓山房詩集惜不傳子維彬光緒己丑

進士翰林院庶吉士亦有文名

光緒志兼採訪

侯增福字瑞園江川人咸同中以諸生從戎保縣丞不就光緒丙子

舉於鄉設帳授徒教人重立品修身制行之士多出其門後官永平

縣訓導著有詩草一卷已佚

採訪

顧文彬字東林河陽人歲貢生性情幽峭獨往獨來其詩文亦戛戛獨造不落蹊徑著有聽青樓詩集十卷學使吳存義選數十首入探

風集

周文龍顧東林明經傳

廣南府

清

蔣安世廣南人乾隆丙子舉於鄉初以家貧輟業忽發憤自勵謂士患學不精雖貧何病乃日夜攻苦鄉薦後一赴禮闈即絕意進取以

詩酒自娛不及銓選而卒文稿散失

廣南府志

趙鐸字金木廣南廩生嗜古善悟倦則和衣假寐恆經歲不履市塵

教人有法度出其門者多通經能文著有毛詩淺解卒後無嗣門人

爲卜葬立石稱金木先生云

廣南府志

王元樞廣南人乾隆己亥舉於鄉性孝友詩文有大家風格尤工書法嘗講學於家遊其門者甚衆任山西襄垣知縣擇士之秀者親爲指授文風丕振遷高平修復明道先生祠加意士林如在襄垣時公餘臨池至老不倦著有蘭畹詩文集

廣南府志

嚴誠廣南人乾隆己酉拔貢嘉慶丙辰舉孝廉方正天性純篤與兄愚村相得甚樂不忍暫離工詩善書生平不欲以詩文自炫所作多不存稿選拔後嘗負笈五華一時名流如段琦張履程袁文揆陳履和諸人皆與之友士林至今稱之何鍾泰題其遺像以陳仲弓郭有道相期可想見其梗概云

廣南府志

王佩瑋號仙舫廣南人性聰穎才思卓犖博覽經史道光辛巳舉於鄉四上春官不第主培風書院講席成就者衆著有仙舫詩文集未

梓年甫四十而卒與佩瑋齊名有饒吉士亦廣南人廩生天性質直
讀書無間寒暑貫穿經籍時標新異詩古文詞頗近名家以攻苦過
甚成廢疾卒年二十七未竟其志士論惜之

廣南府志

梁恩明字介石寶寧人光緒己卯舉人官嵩明訓導兼主講嵩陽書
院品端學純士論咸服善屬文著有續嵩明州志

採訪

順寧府

清

袁昶字觀陽順寧人道光乙酉拔貢工詩善書畫主鳳山書院講席
士多敦品誼務實學著有晴軒詩草浮生紀略燬於兵

光緒志

邱灝字瀚儒號紫瀾別號思誠居士雲州人恩貢生幼孤事母至孝
咸豐中亂作兄弟子姪歿於王事者多人家屬悉殉難灝避亂居猛

董力圖恢復同治二年與晁錦明等復廳城旋復陷灑幾不免後脫險避夷方承平返里老成凋謝邑中掌故悉罹兵火灑手編鄉土志二卷啟館授徒後學多所裁成著有魁公墓誌及忠義四塚銘邱氏族譜三族悲傳勉學編思誠居士詩文集朱子治家格言詳解等書

訪採

羅一鵬字鷗圖順寧人恩貢生成同之亂城陷一鵬奉父西走永昌時親故劉姓富於資財不能盡攜分給一鵬數百金既出險一鵬悉數還之而設帳受徒以養亂平歸里仍以教授爲事於文學之外以言忠信行篤敬勉弟子生平好學工詩著有溟南吟草一卷刊行於

世

訪採

新纂雲南通志卷二百三十四目錄

文苑傳三

曲靖府

王式明

董漢英

清

段標麟

趙棠

繆彤

黃道新

麗江府

石

王

謝

傅遇高

劉

劉珍

呂煜

繆彧

張寅旦

俞

謝

謝

阮元聲

孫

孫承恩

趙桂

繆尊魯

繆瑞章

趙

謝

謝

木

高

高于庠

喻懷信

陶致用

繆爾康

趙

謝

謝

木

夏

夏文廣

李銘鼎

呂華林

木

明

田節

李文林

李東儒

木公

木青

孫桐

清

李夢頤

何基盛

趙璉美

張緝斗

段以恭

楊麗拙

張現

桑映斗

牛燾

楊昂

歐陽豐

李重發

陳偉勳

木正源

何完

王佐才

楊奪錦

楊樹靡

歐陽霽

羅宿

和積賢

王成章

周暉

永昌府

明

縣志卷一百三十四目錄

陶凝 湯琮 張昇 易經 易翼之

鄭文燦 石雷 俞焜 陳秉善 趙千乘

葉奕

清

劉庶壇 朱阜 袁銑 韋佩 蒙朝賢

楊純緒 苑仕義 李穎樟 曹詩雋 吳志郭

趙端仁 劉宗鑑等

開化府

清

李健 李熙文

東川府

清

林朝丙

朱士楷

趙允隨

林瓊

徐不澍

吳晟

丁元麟

孟岱昌

彭啓商

張瑩

昭通府

清

楊勳

鄒焯

李勤培

李開仁

吳志濬

蒙化直隸廳

明

王綱

左正

范瑞世

清

陳時霈

張錦蘊

徐飛

彭鼎重

張辰照

張登瀛

永北直隸廳

清

劉完初

張書銘

楊魁榜

高暉

廣西直隸州

明

高遷

清

李佐明

李鵬舉

阮祐

武定直隸州

清

袁藻 錢熙貞 李茂 李德陽 陳曉

元江直隸州

清

馬汝為

劉承祚

姓彭 齡等

高白鹽井直隸提舉司

清

甘守先

陸宗

陸宗

謝

高

謝

謝

謝

永

謝

謝

謝

謝

謝

新纂雲南通志卷二百三十四

文苑傳三

曲靖府

明

董漢英尋甸人諸生嘉靖中就讀於社性明敏心計不羣嘗步田間令數十人委農具去而復來漢英爲分給之百器皆得其主又值歲旱爲郡守作禱雨文幾二百字字皆水旁援筆立就當時號爲奇才

尋甸州志

傅遇高字克升南寧人萬曆戊子舉人任宜陽教諭歷官南昌府通判終養不仕著樂真蛻鳴藏海探珠等集又刊文廟通考有功學校

雍正志

阮元聲字無聲馬龍人崇禎戊辰進士官吏部稽勳司外郎典試陝西卒於闈中元聲穎異博學以文章名世陳繼儒序其集

探訪

清

段標麟南寧人幼為人所掠賣能自識其鄉里逃歸苦志讀書過目不忘研精諸籍尤工二王書法中康熙補行辛酉科舉人任太湖望

江知縣有賢聲擢知灤州著有蠡屋集

道光志

劉珍字寶林南寧人康熙間諸生性至孝嘗集古人孝行合為一篇

曰孝思通神集張太史漢有題曲靖劉寶林紅汨集詩即其人也

南寧縣志

孫承恩字錫祉南寧人乾隆辛酉舉於鄉官麗江府教授才華淹雅一時寺觀碑文多出其手工書畫尤精鐵筆得者祕之卒年九十三

著有存齋詩文集

南寧縣志

高于庠字憲五南寧人乾隆辛酉舉於鄉官東川府教授淹貫經籍
工舉子業時烏程孫見龍掌教五華書院雅重之纂定四書大全于

庠之力爲多

南寧縣志

夏文廣號絅庵南寧人乾隆壬申舉人仕終廣東欽州知州工吟咏
所作詩多爲時傳誦著有絅庵詩集昆明錢澧爲之序

南寧縣志

趙棠字惠南南寧舉人觀國子也觀國負盛名工制舉業以宿儒教
授鄉曲一時名士多出其門棠於嘉慶辛酉成進士以知縣候銓品
端才瞻而性耽典籍博聞強識時有趙五車之目載酒問字者屐滿
戶外誨後進務崇實學不沾沾於章句庚午春赴京候銓以疾卒著
有夢草軒詩鈔漢村文集

南寧縣志

呂煜字亦昭南寧歲貢博極羣書而能貫穿人有摘僻事隱語以質

疑者即爲舉其顛末皆各得所欲以去性方嚴不苟言笑工詩卒年

七十餘著有曉村詩鈔

南寧縣志

趙桂號小山南寧人嘉慶己卯副貢博通典籍尤長於詩而境遇坎坷藉吟咏爲抒寫讀者悲其志焉卒於省垣同學爲卜地葬之題其碣曰南寧詩人趙小山墓著有小山詩鈔妻沈夢蘭亦能詩時稱才

女

南寧縣志

喻懷信字芳余南寧人道光丙午舉順天鄉試歷官貴州黔西知州貴定知縣郎岱同知擢知府以疾卒於黔懷信生而穎異博通經史工詩能文尤精書法隨父官京師勤學不倦一時以博洽聞丁艱旋里閉戶讀書鄰邑盜起助郡守賈洪詔團練捍禦郡賴以安任黔西時城垣坍塌四郊多壘懷信下車撫流亡選甲兵繕城堞爲固守計

亂甫定勸民以農桑爲本闔邑德之調貴定邑中踞苗匪數千計擒其渠餘黨悉散捐置書院悉心課試不振文風遷郎岱遇訟即諄諄勸諭訟風遂息公餘讀書自娛所著有人鑑敦雅堂詩文集漱芳詞讀書辨疑古彞錄等書兄懷仁亦負異才道光丙申成進士授福建寧洋知縣蒞任踰月卒於官昆明戴待御綱孫爲序其遺集刊行於

世

光緒志

李銘鼎字命三霑益歲貢父根瀛亦歲貢舉鄉飲大賓爲人忠厚和平教授生徒循循善誘州人士半出其門銘鼎仰承父志裁成尤多詩賦文詞各擅其長著有北海堂詩文集十卷

霑益州志

繆彤原名開元字應泰後改字翊廷別號惺軒宣威人官易門訓導罪誤歸隱居棲霞嶺下課徒教子與佳山水接緣濬池作亭置棋其

間酒闌茶罷偕妻陶氏對弈亭中蕭然自適從叔尊魯時負重名聞而慕之秋日和彤寄詩原韻有何事竹林尋小阮棲霞彷彿在身傍之語彤少而倜儻睥睨百代以鋒鋌太露蹉跎仕途晚更習爲謙謹與人言若恐傷之然磅礴奇崛之氣時時露於文章所著彙典及亦園詩古宏博雄肆不愧鐵庵難兄妻陶氏大家女知書有氣度子鴻亦以文世其家

宣威
縣志

繆彧字茂之號鐵庵又號芝軒彤弟嘉慶癸酉拔貢徜徉山水間日以詩文自娛尤喜詩酷嗜杜蘇所居山水景物選勝探奇標題殆徧

宣威
縣志

繆尊魯字一東號一齋宣威人賦質英偉器宇宏深孫紹康極尊重之謂其學行本末有籠罩一切之概以選貢入都遭溼疾遂絕意舉

業以授徒爲事目光閃灼聲發鐘磬娓娓焉闡析名理入人心脾而

發其喜笑質業者隨所進取無不爲之暢其懷之所欲言拈毫揮灑

時發其沉湮鬱勃之氣後生末學侍談左右竟日不敢出一支離汗

漫語以至鼠竊懾威而紓忱蠹役聞言而斂足區畫家政弓冶秩秩

其幹局有過人者著有五柳莊集及沒門人私謚之曰文偉先生

宣威縣志

陶致用字達甫號竹溪宣威人天姿穎異劉大紳掌教五華書院致

用往從之以詩古文名噪當時尋與李煌李於陽等七人移齋寶珠

寺大紳題其額曰七子讀書處蹉跎矢志賈恨以歿垂危作擬騷絕

命詞音節激楚覽者惜之

宣威縣志

呂華林字兆岐別號西園宣威人工詞賦礪廉隅閉戶授徒不問外事於貧寒子弟時垂青盼苟可造輒暗助以紙筆其行爲乖繆者則

斥去之不許入門士習爲之一變門人稱之曰西園先生其鄉人有

胡薦三字振秋工書善畫而草書尤著亦一時之秀也

宣威縣志

黃道新字子明宣威人由選貢登光緒乙亥鄉試性高簡威重而文思綺妙出人意表與徐登鼇分掌書院寄館於福緣寺啓迪後學以敦品勵行爲先而論論文則必自具手眼獨行獨斷遊其門者類少庸膚之見精歧黃術用藥別具爐錘輒奏效年七十而卒

宣威縣志

張寅旦字平山宣威人光緒丙子舉人已丑成進士分發廣東知縣告降選授景東廳教授卒於官寅旦丰姿嫻雅氣象溫和繩趨矩步矜躁悉平髫齡時學於孫紹康之門紹康深器之家貧無燭焚松枝以照讀卒精其業遊泮後課徒養親手不釋卷能文章砥礪廉隅宣威自有清後二百數十年科名中惟寅旦獨高而學行亦惟寅旦最

稱純潔也

宣威縣志

繆瑞章字輯臣號星階宣威人祖纘緒同治壬申恩貢父永齡同治癸酉拔貢瑞章生而穎異讀書過目不忘好稗官野乘父禁之則嘗皮經於案展卷於膝口所誦目所閱各異也不相妨害爲文獨抒己見不與人同儕輩中稱其爲紮死營打硬仗詩古文辭散整並妙而尤長駢體每有慶弔若壽文若哀詞如泉斯涌繕錄者應接不暇奉督學調入省充經正書院高材生光緒癸巳舉於鄉兩赴春官不售居恆鬱鬱科舉停講新學清學部以初小教材宜就地取材特定鄉土歷史地理格致等例日頒行各省轉飭所屬州縣遴員編纂知州黃乾濟舉與相委瑞章時已抱病然猶旁搜博採草成本境建置沿革及政績錄兵事錄耆舊錄等合爲一卷記載詳核有關宣邑掌故

惜未完成而病卒年僅四十九歲初瑞章父永齡著有可鑒編叙述咸同間本境重要人物用傳體其叔祖光緒著有三朝紀略紀錄本境大事起自文宗而終於德宗用編年體瑞章益以素所聞見治二書而爲一爐又嘗作全州地圖形勢位置瞭如指掌言本境史地者均奉爲嚆矢云

宣威縣志

繆爾康字衢亨號履莊宣威人曾祖彧祖曾培父任均以文學世其家爾康天分甚高能強記詩古文辭構稿於腹慘澹經營若癡若醉及其脫手而出字字珠璣不加點竄也試必冠軍而屢躋秋闈家又貧就館山僻多愁善病於是鬱勃之氣發爲悽楚之音年僅二十六歲而卒其弟爾綽爾緯爾紆皆受其陶淑同編爾康所著詩文名曰

衢亨遺稿行於世

宣威縣志

麗江府

明

田節鶴慶人永樂時薦授本郡教授時文教未開節教誨有方士知

嚮學鶴慶府志

李文林劍川人祖思忠本籍溫江在元季為大理宣慰司經歷洪武

間家於劍川文林遂舉永樂癸卯鄉試為開科之始弟文海淹貫百

家涉獵經史正統間以儒士薦署本學十餘年州人多賴造就吉凶

遵文公家禮除火葬之俗鶴慶府志

李東儒劍川人資性樸茂幼知聲律淹貫史書年十九中嘉靖辛卯

鄉試第一遊楊慎李元陽門得博約之教著有攬翠山房集沒後慎

銘其墓參雍正志及採訪

木公字公恕麗江人世襲土知府性嗜學於玉龍山南十里爲園枕
蒹經史嘗以詩質於楊慎慎錄其詩一百十有四首名曰雪山詩選
叙而傳之

雍正志

木青號松鶴公之曾孫也能詩善書年二十九而歿子增刻其詩曰
玉水清音如清雲不障千秋雪曲檻偏宜半畝荷含煙翠篠供詩瘦
啄麥黃雞佐酒肥皆其佳句也

雍正志

孫桐字我儀鶴慶人幼穎異讀書十行俱下童年補諸生所爲詩出
入襄陽輞川間古文詞尤清健晚歲棄舉子業結茅雞足山博極羣
書尤契伊洛淵源理後以母老歸講學授徒彈琴樂志益精性命之
旨著有說石山房集碧磊集驢背集行世

雍正志

清

李夢頤字贊皇鶴慶人性耽書史尤精易理下筆灑灑千言嘗曰文不秦漢詩不漢魏不可云作者晚年悉屏去專研理學額其室曰與天爲徒中設周程張朱四子位正襟危坐驗喜怒哀樂未發前氣象有得輒怡然自喜總督范承勳聞其名徵之不就所著有希顏錄自知錄及名賢格言小寒山集

雍正志

何基盛字邵蒼劍川人先世藏書數千卷丹鉛幾徧爲文寢饋於唐

宋諸名家年八十餘手繕五經注疏以授後學康熙五十一年纂修

州志 光緒志

趙璉美字上珍劍川人康熙癸卯舉人官臨武知縣居官公暇仍垂

簾讀書廉潔自持終養告歸結墅於金華山麓三石潭側種竹千竿

顏曰石竹居竝以名其詩稿云 採訪

張緝斗字炳秀劍川人歲貢生幼嘗問其父讀書何用曰窮理對曰
理當在心父曰不讀書心何由開緝斗遂刻意勵學有疑即澄思達
且精研六籍尤邃於易著有圖書解孫見龍序之謂與南宋朱震傳
圖叢說相埒子字字君芋亦貢生工詩善畫龍能鼓琴手輯百孝圖
以教子弟著有沁香廬吟

光緒志

段以恭字安中別號竹亭劍川人性耿介不慕榮利登乾隆癸卯鄉
薦累赴春官不第館於京師貴家或導以功名捷徑以恭歎曰與其
苟合而枉道不如不合而全真乃束裝歸知州嵇承豫延主金華書
院講席文風大振閭里之子弟薰其德者無不嚴憚丰采丁父艱服
闋貴州學使錢質夫延閱試卷適奉文截取質夫爲備資促行以母
老堅辭回籍終養教子成名卒年六十八著有竹亭束草一卷

光緒志

楊麗拙字守園劍川歲貢生祖棟以卓行聞麗拙思繩祖武勵志詩書累躋秋闈遂棄帖括與及門講求性理安貧樂道尤敦倫常鄉里式之乾嘉間劍邑舉鄉賢名宦節孝採訪續修通志皆麗拙首先倡率著有耐齋雜俎省身續言偶寄軒文稿硯北偶存詩集劍城失陷惟詩集尙存餘稿散佚

光緒志

張現字無隱劍川諸生兩弟蚤世遺孤兒現恐貽親憂乃絕意進取教育子侄婚嫁畢杜門註易閒輒歌詠自娛親沒哀毀骨立不御酒肉者三年晚年以授徒爲事暇則著作雖家計蕭條晏如也著有河洛解得一樓文集鴻爪撫餘集松溪集虬石軒楹聯省身記要芝蘭

宰集唐雨窗瑣記等書

光緒志

桑映斗號沁亭麗江諸生品端學博能文工詩家有藏書悉心披閱

手不釋卷教徒於鄉成就者衆著有鐵硯堂詩文集亂後散佚其詩

與弟柄斗同選入滇詩嗣音集

光緒志

牛燾字涵萬麗江人拔貢生歷任鎮沅安寧鄧川羅平教官有寄秋
軒稿家饒於貲而標寄蕭然蓄一雷氏琴自譜新曲被之絃軫同時
馬之龍能吹鐵笛郡中有牛琴馬笛之目咸同之亂燾避之山洞中
抱琴而死劍川趙藩輯其詩七十餘首刊入麗郡詩文徵中

採訪

楊昺字子光麗江諸生少從昆明戴綱孫講授詩文法著有留春齋
詩鈔尤工駢儷文咸豐末年麗郡五屬官紳公討悍弁張正泰檄文
實出其手一時傳誦郡爲寇陷流離憂憤以死

採訪

歐陽豐字子約號米樓劍川人道光壬辰進士官刑部主事自幼爲
文以敏捷稱學尤淹博鄉先達皆器重之十三補諸生同人敬之多

執弟子禮有少先生老弟子之目事父及嫡母生母以孝聞既入仕以氣節自豪喜賓客酒酣論天下事旁若無人若不可繩以法度然質其生平大節無一悖於禮者文章雄放稱其意氣嘗與昆明戴綱孫結同人爲詩社著述繁富兵燹遺失今惟存拙拙詩草小桂馨山

詩草二卷

參戴綱孫撰
墓誌光緒志

李重發字宏盛號培軒鶴慶人幼敏慧讀書過目成誦十一能文日試數藝無倦容稍長博覽諸子百家及釋道經藏未冠入庠旋以優等食餼名動一時嘉慶庚午舉於鄉甲戌成進士授直隸新安知縣以經術爲吏治公暇不廢吟哦著有修業堂文集培軒詩集行世

光緒志

陳偉勳號金門劍川人道光壬辰舉人性孝友事父母五十猶孺慕遊學於外所得束脩與昆季共之授徒嚴守宋儒規條以窮理盡性

爲宗即貴遊子弟不稍寬故及門多登科甲入館選者從學使杜受
田校文山西或以多金通關節偉勳力拒之爲杜所深嘉晚年歸里
值滇亂憂憤成疾卒於家著作皆道德經濟之言兵燹散佚今惟存
味道軒詩酌雅堂詩話訓友語等書

光緒志

木正源麗江人肄業五華書院爲文拘折幽峭追蹤章羅屢試屢蹶
後受知巡撫伊里布道光甲午科掾房領薦選晉寧學正引掖靡倦
多士賴裁成焉著有易經集說卒年八十有二

光緒志

何完字璞山劍川歲貢踐履篤實有文名主金華書院講席課士崇
實學一洗浮華纖巧之習著述甚富亂後稿失

光緒志

王佐才字蘧廬劍川副貢樸訥寡酬應惟嗜讀書遭亂隱居不出亂
定主講金華書院七年訓課有方爲制舉文宗法先正見稱於時著

作零落無存

光緒志

楊奪錦字曉園劍川廩生性孝友學問雅潔爲詩古文詞皆有法尤工制藝弟子數十人經其陶鑄多知名者奪錦終未獲一第士林惜之著有曉園詩文集兵燹散佚

道光志

楊樹靡字式周亦字西美劍川人麗拙第二子也少與伯兄樹豐皆以諸生負才名顧數奇鄉閭屢薦不售樹靡以同治壬申補咸豐歲貢年逾六十矣性孝友博學多通自經史而外旁及星歷輿地下筮岐黃之學皆貫徹大義丙辰軍興悍弁土豪魚肉鄉里避之若浼庚申而邑城淪陷寇酋寵絡知名者徘徊歧路多被迫脅卒乃併罹於難或至巢覆而無完卵樹靡兄弟閉門稱疾互授生徒不依違以易操亦不激烈以賈禍履險而夷時論高之其教人首嚴植品講授紫

陽小學之書動止一準於法弟子偶有過差不訶撻詔之拱立徐出一語譬曉之皆赧然汗下渙然冰釋深於文不名一家因材而授趙

藩其弟子也光緒甲午卒年八十九

訪探

歐陽霽字韻初一字雨蒼劍川人光緒戊子舉人性耿介落落寡合
嫻吟詠著有出山小草係鄉薦後北上途中之作

訪探

羅宿字星嶠劍川人光緒癸卯優貢尋中是科舉人歸至大理病歿
宿父故太和李氏子遂葬之於太和李氏祖墓側宿爲詩文獨抒己
見絕去依傍年少溘逝士論惜之其邑人趙藩輯其同榜楊致中張
鴻舉詩爲劍川三子集序而行之

訪探

和積賢字殿臣麗江人廩生磊落負氣勇於任事清末巴陵彭繼志
守麗江所創建中學堂師範學堂並籌置經費皆委積賢董理規畫

釐然又委學堂監督洗王奉公事倚辦治以校舍爲家飭妻子勿復以家事關白及病篤乃輿疾歸遂卒生平記誦極博取於適用不樂爲文人故所作絕少未四十而歿時論惜焉

採訪

王成章字竹淇麗江人光緒己丑舉人里居不仕開門講學成就甚衆性倔彊出語凝重有不可於意事輒庭爭座質聲動左右長吏目懾之不顧也其爲詩若決江河浩漑演迤若無涯涘然有時箝波東流蓄爲澄潭小泚亦具澹遠之致麗江詩人著作富者以成章及楊遂侯爲最云

採訪

周暉字蘭屏麗江人光緒己丑舉人官師宗縣教諭解官後被推擇爲迤西西雲書院筦理處膏不潤人服其操清末家居主辦邑中女校德藝並重女學修飭兼留心實業喜拉田父野叟洞丁礦卒歷問

土壤肥瘠礦苗起伏之狀謂考證圖籍不如博訪芻蕘爲親切而有
味也晚年潛心修養冲衿曠度足靜浮薄間爲詩歌雅近陶孟其子
冠南印行於世年七十餘卒冠南字殿青晚號鑒心亦舉人後曄數
年卒

探訪

永昌府

明

陶凝字致遠保山人正統間貢生精於詩嘗有句云杜宇枝頭百舌
吟何人不動惜芳心桃花紅雨梨花雪鋪得春愁一寸深又題菜燈
云草堂照破齏鹽夢華屋燒殘肉食心皆爲人傳誦

雅正志

湯琮號碧庵金齒人正統間與同郡陶凝張志學程廣曹遇結詩社
素心相許隱居樂志俱以能詩名琮嘗爲鸚鵡詩曰翠閣香闈帶綠

陰忽聞靈舌轉嬌音總將懷袖溫存意不稱雲林自在心籠絡反因
毛羽誤矜誇休羨賦詞深隴山煙雨春雛小莫遺虞羅著意尋時人

目為湯鸚鵡參雍正志
永昌府志

張昇字德輝保山人通天文地理從尚書王驥征麓川有功授官不
就陶凝讚之謂為後學之儀表林泉之英傑卒年九十有二著有地

理圖說中星圖說諸書明一
統志

易經字人常騰衝衛人宏治辛酉舉人幼孤奉母以孝稱克勤於學
為文典實尤工吟咏赴會試卒於途所著有時軒吟稿雍正
志

易翼之字孔彰經子正德丁卯舉人任長壽知縣為政不事苛細與
上官不合歸隱龍川江講學至老手不釋卷著有四書音義會編春

秋經傳會編詩話類鈔古今詩評勝司志稿等書行世雍正
志

鄭文燦字國光騰衝人嘉靖乙酉舉人有雋才所著有夢驥賦等稿

行世

雍正志

石雷保山人嘉靖丙午舉人性直諒尚氣節任叙州府通判以憂歸

遂不仕讀書保秀山中力崇正學多所發明里有鬻女者偵之其同

年女也贖歸擇配具禮嫁之著有保秀堂詩稿文稿學稿外稿

參雍正志
永昌府志

俞焜字溟湖永平人諸生博通經史不樂仕進歷遊吳楚燕趙梁齊

間著有廣叩缶集

雍正志

陳秉善保山人貢生立品端方爲士林所重著有尙書正誤

雍正志

趙千乘字玉涵保山人讀書過目成誦以恩貢生肄業國子監祭酒

某於一日中試以七藝梅花詩百首一韻皆立就祭酒奇之除揚州

府通判卒於官

雍正志

葉奕字靜侯保山人性純篤言行不苟潛心理學不樂仕進中年即棄舉子業以著述爲事隱居騰越雪山著孝經演義八卷

雍正志

清

劉庶壇字杏友保山人雍正癸卯舉人天資高朗讀書數行並下文有奇氣著有味壘堂詩文全集事親以孝聞弟庶埴選貢官浦江縣

子錯舉人鑾進士均善屬文

參演繫永昌府志

朱皋保山人生平高尚不慕榮利殫精前史及六書音韻之學詩文皆純正年八十二卒袁文典挽以詩云打破詩囚驚俗夢著成書蠹

付來生可想見其爲人

永昌府志

袁銑字鍾南保山人廩生性方正窮年力學屢試鄉闈不售家居教授來學者館莫能容生徒賴以成立者百餘人著有四書肯綮十卷

參補綱鑑未終而卒學者以擬胡安定云

演繫

韋佩號涵宇保山人拔貢生少穎異十三補諸生名滿一時教授生徒以致知力行爲先務士林宗之從學數百人多所成就著作兵燹

散佚弟健姪履均履和皆以文學世其家

永昌府志

蒙朝賢號蒼西永平歲貢克繼父志教子有方歲饑嘗倡捐鹽米賑濟孤貧尤嗜學工詩能文交遊多知名士著有睡鄉咏一卷子孫俱

相繼爲明經

永昌府志

楊純緒號敬亨永平歲貢家貧嗜學尤工書法有歐陽筆意投館授

徒邑諸生半出其門著有敬亭詩草

永昌府志

范仕義字質爲一字廉泉保山人嘉慶甲戌進士官如皋知縣有善政仕義強學博覽於經史百家無所不通爲文章淳雅尤長於詩清

麗間遠有唐人之風先是吳郡顧蒔視學滇南號有人倫鑒所選拔士多一時賢俊而仕義亦以文行見賞及後官江南蒔已前卒更從其家求得詩文若干卷與錢澧文稿並刊行於世其風義蓋尤足多

云許印芳滇詩重光集小傳

李穎樟字石生騰越人諸生少負文名於滇中遺文故事廣諮博訪日營手抄樂而忘疲所著有聽泉樓詩草一卷雜抄六卷疊水河李

氏家譜一卷譜中世官紀考載尤詳核云採訪

曹詩雋字倣唐騰越人諸生工詩文篤學勵行一鄉矜式咸同間賊勢張甚嘗卑禮餽之不爲動惟教授後進樂道无悶李根源撰九保里賢錄

吳志郭原名式釗字完奇號楚生保山人嗣仲子光緒乙亥舉人甲午成進士選庶常授檢討因事被議後由沈蓋案開復改主事志郭

詩文及小學經學皆名著一時而行多不檢故憎茲多口著有彊靜

齋文稿詩錄駢文六書綱目切音導原諸書行世

採訪

趙端仁字熙甫號春樓騰越人諸生有孝行博學能文好談經世大

略授徒郡中才俊爭隸門下劉宗鑑李恩周王家士其最著者也

李根源撰

行狀

宗鑑字子明亦騰越人受業於端仁及其弟端禮學冠其儕光緒

壬午領鄉薦第二未幾卒宗鑑任俠好交游其卒也友人多為流涕

同里寸馥清等為刊其詩文

李根源撰傳

恩周字兩農亦騰越人父正觀以

經商致巨富故恩周豪奢好客有陳遵投轄之風家以中落乃閉戶

讀書致力於經史窮年矻矻丹黃不去手年四十四以歲貢終著有

兩農讀書記其猶子學詩根源為之輯比將行於世云

李學詩撰狀

家士字

月卿亦騰越人諸生性傲岸自喜學使按臨怒其不守場規將笞之

爲學長來鳳多藏書家士沈酣其中文境益進以六試秋闈不得志
橐筆游盞達入土司幕中瘴卒年四十二

劉楚湘撰傳

開化府

清

李健字順五郡人弱冠知名望江檀萃歎爲異才著有警心編等書

行世

道光志

李熙文字叔豹文山人同治甲戌進士翰林院庶吉士工書能詩著

有石運齋詩草一卷已刊入雲南叢書

光緒志兼採訪

東川府

清

林朝丙字西庚郡人乾隆丙辰歲貢教人以理學爲宗晚年尤嗜易

著有二十四孝圖考周禮便讀他文多不存稿年七十餘卒

道光志

朱士楷字端林會澤人自幼嗜學寒暑無間乾隆甲寅舉於鄉郡城之領鄉薦者自士楷始以大挑授浪穹教諭楷模生童風氣一變尤遂於易學引年歸著有義經臆說大旨貫徹十三經證以廿一史於尋常羣解外另關一格惜兵燹散佚

光緒志

趙允隨號漁村會澤歲貢幼肄業五華書院博聞強識宏通淹雅爲學使顧菴所深賞應秋闈薦而未售尋丁內艱遂絕意進取以明經

終老著有留鴻小草行世

光緒志

林瓊字煊山會澤庠生善醫精韻學尤長考據典核詳明屢薦不售

家居課徒著有音義辯真古字證考

光緒志

徐不澍字澤三會澤歲貢性端謹好學每讀書必批釋義蘊篇幅幾滿所言皆程朱名理年七十猶設帳授徒及門多所造就著有學庸

輯要

光緒志

吳晟字松溪會澤人嘉慶辛酉拔貢敦品勵行少年溺苦於學爲文

詞義堅卓詩長於風神書法趙文敏仕終雲南府教授

光緒志

丁元麟字善齋會澤貢生天姿穎敏積學能文詩亦清俊晚年專講

經學設帳於家遠近執贄請業者相繼而來至室無下榻處乃己生

平十赴鄉闈卒不得一第人爭惜之

光緒志

孟岱昌字魯瞻會澤人同治癸酉舉人自幼刻苦讀書爲文嘗至吐血家貧設帳教讀課徒數十人日夜無少休人或勸其將息岱昌謝曰某非不知但舍是無以贍家耳後赴京會試兩薦未售年四十八

遂抑鬱終生平所作詩文多不留稿嘗謂古人立言當求有裨經籍

豈區區制藝遂足名世死之日不能成殮及門爲措資營葬

光緒志

彭啓商字柱臣會澤人同治癸酉舉人好學能文著有桐花齋詩鈔

自做錄

滇文叢錄小傳

張瑩字子琳會澤人孝友有行誼篤學而好古工詩古文辭金石藻繪莫不究極於心尤致精於經史掌故光緒乙酉舉於鄉補國子監學正學錄再試禮部輒報罷會王師敗績於日陪京淪陷朝議和戰無定策瑩悲憤成疾卒於京師瑩嘗走數千里護其友吳式釗之孥歸於昆明而侍趙藩之疾於京邸積百日及其歿也式釗藩爲具棺

衾以斂歸其喪於滇

趙藩撰傳

昭通府

清

楊勳恩安人乾隆己酉拔貢積學能文與魏定一柯東同受知於學使汪如洋時本郡文教初興設館教授品學之士半出門下著述甚富亂後散佚子裕培敦培均拔貢敦培字起亭尤知名品端學粹綽有父風遊其門者皆勵品行衣冠言動望而知爲楊氏弟子也中年病卒識者惜之其門人李開仁子嘉瑞爲刻三酉聯選集以報師恩

云

光緒志及採訪

鄒焯恩安人嘉慶庚午舉人性剛直博通經籍文名藉甚教讀數十年循循善誘及門多所裁成著述繁富貧不能梓惟刻有爾雅釋字

行世

光緒志

李勤培字芝字恩安人光緒丙子舉人性敏好學博通經史又工書

法敦孝友睦鄉黨兩次春闈不第歸掌鳳池關陽兩書院從者甚衆

授諸生以立品爲先卒年三十三聞者惜之著有誠敬堂文集

光緒志

李開仁字樂山昭通人同治癸酉舉於鄉才思清超經濟明通授徒川滇間多知名士在川時上書李鴻章論天下事鴻章器之邀往京不果助岑毓英克復大理延教其諸子讀後官四川叙永廳同知著有白雲山人詩文集丙戌毓英聘修雲南通志並昭通五屬志惜未成書而卒

採訪

蒙化直隸廳

明

王綱字時紀蒙化人成化乙酉鄉薦任永州府訓導有德行工詩文

左正字龍圖號三鶴土知府能文翰工詩畫有魏晉風好尙高潔始
辭印歸流官掌之演

范瑞世字泰苻歲貢生才思敏捷綽有幹濟善草書尤工於詩著有

麻衣隱者集蒙化府志

清

陳時霈字解如順治辛丑舉人天性純篤力學循禮任路南州學正
多所成就文詞書翰俊逸多姿著有春生草堂詩集趙士麟爲之序

參雍正志
蒙化府志

張錦蘊貢生學問淵博值明末兵火之後書籍散亡錦蘊手纂四書
講義以教後學任景東訓導教士有方康熙辛未與修滇志有文集

參雍正志
蒙化府志

徐飛字扶萬蒙化人康熙丙午武舉仕至雷州副將居鄉謹恪兼饒風雅書法亦極遒勁其輓彭印古詩云篋中詩尙在觀化已無形地關詞人塚天沉處土星雪封寒瀑斷松立衆山青伐石書私謚將同瘞鶴銘厥後援武舉之能文翰者有孟宗孔

探訪

彭鼎重字鎮九歲貢生任建水訓導遂於易獨居小樓窮探理數經三十稔草讀易管見質之巡撫楊名時名時可之會以疾卒遺稿散

佚士林惋惜

蒙化廳志

張辰照字明宇一字景園適忒子乾隆庚子舉人性穎異讀書十行並下擅詩古文詞兼工畫每屬文數千言頃刻立就主講書院幾三十年選定遠教諭卒官著有綠筠書屋詩文集弟星照亦著有閩中

詩草

參續蒙化廳志探訪

張登瀛字翹岱號小東乾隆丙午舉人官雲龍學正天資穎悟文筆
簡鍊生平無書不讀主安寧鳳山書院講席教授生童多所成就與
保山袁氏輯滇南文略登瀛之力爲多著有詩文集及大學講義一
卷讀易三篇育書等

光緒志
及採訪

永北直隸廳

清

劉完初歲貢生任鄧川州學正勤於課士擢永昌府教授致仕歸里
廣授生徒著有四書易經明解

永北
府志

張書銘字筆山優廩生博學能文尤長經濟著有滇略二卷典精二
卷鳳鳴山詩草一卷避秦草一卷兵燹燬里人惜之

光緒
志

楊魁榜字掄元號淡齋永北人歲貢生善屬文約同志捐購經史子

集結晴川學社從遊日衆成材甚多永郡舊志半出其手著有詩經

叶韻參補淡齋詩草

採訪

高暉字寅漢永北人歲貢生學行並茂官雲州學正州牧請其督修

江橋落成復延主雲陽書院著有禹門集韻順雲集韻

採訪

廣西直隸州

明

高遷府人諸生勤學有行鄰郡相率受業號高書櫃官貴州新添衛督學講課捐俸助貧施藥濟病衛人稱高夫子歸田無請謁又謂之

高澹臺云

廣西府志

清

李佐明字又韓郡人好古力學廣集方書買藥濟人所著有五峯詩

集萃古名言及古今人物考

雍正志

李鵬舉府人康熙庚子舉人任馬邑儀徵知縣與諸名士贈答往來

文藝集成卷軸歸里修廣西府志德行文章一時推重

道光志

阮祐字受之一字南邨廣西州人歲貢生疆學博覽能文章屢試秋

闈不第居家受徒歲去來常數十百人多取甲科居貴仕知名當世

邑士推為儒宗然性疎放以氣自豪不自屈以合獨與一二朋輩劇

飲大醉呼以為樂竟窮悴無所就而卒家無儋石儲妻子孤貧常有

飢色聞者傷之

何彤雲撰傳

武定直隸州

清

袁藻字鶴仙元謀人甲補諸生以文不諧俗遂去科舉學肆意吟咏

邑令劉振斯獨愛其文其講讀步履不失尺寸人謂之迂仙生平安

於義命詩有家法藻無子老病依故舊年七十餘而終

檀萃華
竹新編

錢熙貞又名劉熙正字亮采府人康熙補行辛酉科舉人官兵部郎

中與段昕王思訓齊名孫髯稱其詩如倩女隔花欹髻微笑又如迎

風折柳不惹纖塵

演繫

李茂號仙堂元謀諸生性耿介自幼篤行善體親心事師尤謹其師

施浥培任甘泉知縣茂負笈相從奔走萬里者再起居出入事之如

父母署中事無鉅細浥培悉委之茂經理裕如好吟咏著有隨師小

草藏於家

道光
志

李德陽元謀歲貢有文名言行不苟燕居雖盛暑必具衣冠鄉人欽

之著作盈篋兵燹被毀惟刊有性理語錄行世

道光
志

陳曉元謀人博學能文知縣呂夢飛極器重之屢試不第以歲貢終
及門多知名士所著詩文零落無存

道光志

元江直隸州

清

馬汝爲字宣臣元江人康熙癸未進士選庶吉士散館授檢討與修
國史典湖南鄉試外補銅仁知府有治聲汝爲才高學博善詩文其
行草書尤爲鄉人所重著有悔齋詩集

光緒志及採訪

劉承祚字永堂元江人光緒己卯鄉試第一有文名學行俱篤兼精
於醫兄子彭齡光緒辛卯舉人亦能以文學世其家族孫維垣諸生
亦以氣節文章著名

採訪

白鹽井直隸提舉司

清

甘守先字薪圃白井人道光庚子進士官翰林院編修歷充湖南陝甘鄉試主考才名籍甚年未四十沒於京師時論惜之著有燕游詩

選採

甘守先字薪圃白井人道光庚子進士官翰林院編修歷充湖南陝甘鄉試主考才名籍甚年未四十沒於京師時論惜之著有燕游詩

甘守先字薪圃白井人道光庚子進士官翰林院編修歷充湖南陝甘鄉試主考才名籍甚年未四十沒於京師時論惜之著有燕游詩

甘守先字薪圃白井人道光庚子進士官翰林院編修歷充湖南陝甘鄉試主考才名籍甚年未四十沒於京師時論惜之著有燕游詩

甘守先字薪圃白井人道光庚子進士官翰林院編修歷充湖南陝甘鄉試主考才名籍甚年未四十沒於京師時論惜之著有燕游詩

甘守先字薪圃白井人道光庚子進士官翰林院編修歷充湖南陝甘鄉試主考才名籍甚年未四十沒於京師時論惜之著有燕游詩

甘守先字薪圃白井人道光庚子進士官翰林院編修歷充湖南陝甘鄉試主考才名籍甚年未四十沒於京師時論惜之著有燕游詩

甘守先字薪圃白井人道光庚子進士官翰林院編修歷充湖南陝甘鄉試主考才名籍甚年未四十沒於京師時論惜之著有燕游詩

新纂雲南通志卷二百三十五目錄

實業傳

清

趙天爵

吳尙賢

宮裏雁

吳聯元

季再思

楊朝俊

趙懷忠

和清

王熾

舒金和

何雲

楊士標

潘毓芹

何雲

謝士翥

謝翹

謝暉

謝翥忠

味常

王徽

徐金味

蘇天爵

吳尚賢

宮宴淵

吳禔元

李再恩

常

實業

廣東通志卷一百三十五目錄

新纂雲南通志卷一百三十五

實業傳

太史公取古來長於農礦工商者撰貨殖一傳班書因之誠以農礦工商爲人民生活之要素也後世修史者因士大夫恥言利遂不列貨殖一門不知利有公利私利之分私利不可言公利則不可不言近世歐美各國其富强皆基於此而淡漠視之可乎故本編爲提倡實業計特立此門將鄉先輩之長於農礦工商者探入焉重公利而輕私利亦在後人善學之而善用之耳

清

趙天爵字維修通海人生清康熙時少貧無生業爲家人所不禮乃入筒舊廠假資開礦每得一旺洞強橫無恥者輒出而與爭工人憤

甚欲與決鬪天爵慨然曰礦山甚寬旺洞不少吾輩但同心努力盡
人事以聽天何處不可發財奈何以諸君之生命與人爭錢財乎立
命去之如是者再廠戶皆化其德相戒不得與之爭並爭出資相假
其待工人也推美食以與之而已則粗糲自甘故工人亦爭爲之用
後竟得一最旺之洞以致巨富感箇舊風俗之厚遂留箇不歸竭力
散財行善今寶華山廟爲箇舊惟一之名勝即天爵建以祀上帝兼
與衆同樂者也箇舊廠自銀錫兩礦發達以來致巨富者不知凡幾
大抵身沒之後名亦隨湮獨天爵至今數百年箇舊婦人孺子皆知
之且無一人忍斥其名羣稱之曰趙老祖公其盛德之感人也深矣

採訪

吳尙賢石屏人家貧充馬腳走徼外之葫蘆王地地方二千里東接

耿馬宣撫司西毗木邦南界生卡瓦北隣孟定土府距永昌十八程而遙其地多礦廠而茂隆山銀礦爲最富其酋長曰蜂筑尙賢善口辯蜂筑信任之相與立木契各執其一爲證共開採之時乾隆八年也自時厥後廠大贏銀出不貲過於內地之樂馬廠例無尊卑皆以兄弟稱大爺主廠二爺統衆三爺出兵時尙賢爲廠主廠旣旺聚衆至數十萬一有警則兄弟全出尙賢身材小然臨陣輒先鬚雖少皆擢起見者羣相引避廠徒多勇悍數百斤礮可手挽而發之凡在夷方開廠者皆互相聯絡有夷衆憎某廠欲攻之而憚茂隆阻以重幣假道陽許諾而陰告某廠使備之夷大敗回經茂隆截之無一脫者所獲不可勝計衆大歡飲讌中酒尙賢大哭哀不可仰衆驚問故尙賢曰吾非哭他哭此廠敗也吾與衆兄弟忍饑開此廠今一旦有此

无妄財懷父母妻子各思歸吾一人能支乎爲蠻有矣於是諸人各被酒爲豪舉盡探懷中所掠者棄之淵其操縱人皆此類乾隆十一年蜂筑浼耿馬土司罕世屏代稟願歸順稱茂隆山廠採礦旺甚廠民吳尙賢等議給山水租金不敢受請照內地廠例抽課報稅以作貢物總督張允隨奏葫蘆乃化外野夷輸誠內附請將此項廠課飭令減半抽數一半賞賚該酋長以慰遠人之心得旨允行允隨委尙賢充其課長而尙賢復捐通判職銜焉尙賢爲人陰賊戾深其三爺黃耀祖心不善之謂非可久與處也乃謀自脫假徒往山獵尙賢許之耀祖久不歸招之亦不至先是有尙賢之隣某者性忠樸嘗爲武弁頗識字以老斥不能自存往省尙賢尙賢雖富妻子故在石屏從未寄其銀歸至是謂某曰凡來無能將吾出境者吾今遣人送若出

且附銀給其妻其妻趣某復往冀多得尙賢雖豪然故廠徒不識官
場事某因以進貢說之可邀恩得葫蘆王尙賢正無如耀祖何聞若
言心動之十四年迤西道承差賈興儒奉往茂隆緝廠犯鄒啟周等
尙賢率練兵數百人偕興儒至猛幹獲啟周尙賢圖邀功也十五年
正月緬酋上年所遣土目請進貢者五人尙在鎮康尙賢聞之喜帶
練兵千三百人要令前導如緬甸所過木邦錫箔宋賽諸土司皆有
餽遺桂家頭目宮裏雁阻之桂家者傳爲永明王之官族子孫淪於
緬自相署目者也據波竜銀廠夙與緬有隙尙賢至麻里腳洪遣人
致書媾和桂家羈其使尙賢遂集緬兵三千餘人迎戰於德嶺城不
勝乃說緬酋莽達拉以進貢冀假威重以懾桂家而已亦思假貢以
謀襲葫蘆耳莽達拉從其言具表求降尙賢稟稱莽達拉願稱臣納

貢永作外藩命工匠製造金銀二鉞篆刻表文又造金字塔裝載黃
亭並毡緞緬布土物各色馴象十隻差緬臣一頭目四象夷衆數十
出境過江抵滇邊請代奏督撫司道會議而布政使宮爾勸與按察
使糧鹽迤東迤西四道謂明置緬甸宣慰司今表面未稱宣慰司舊
銜又有蟻穴自封夜郎天外之語亦未叙明所遣使臣名銜吳尙賢
在廠恃強凌弱今率緬來降實有邀功之意且外國歸誠亦斷無借
一廠民爲媒進將來緬有寇警必另求援兵不應則失統御之體應
之則苦師旅之煩恐鞭長莫及反難善處况前明頻通賦貢受侵擾
者數十年我朝久置包荒獲寧謐者百餘載邊境之救安原不關遠
人之賓服其不可信及不可行者各四而巡撫圖爾炳阿竟據稟詞
並表文入告表文曰緬甸國王莽達拉謹奏盛朝統御中外九服承

流如日月經躔陽春煦物無有遠邇羣樂甄陶至我皇上德隆三極道總百王洋溢聲名萬邦率服緬甸近在邊徼河清海晏物阜民和知中國之有聖人臣等願充外藩修誠致貢祈准起程由滇赴京仰覲天顏敬聆俞旨十六年得旨准貢凡筵宴賞賚一應接待事宜俱照各國貢使例以示綏遠遣官伴使赴貢貢既進尙賢不能如所望怏怏回已稟辭大吏西行矣大吏恐其回廠生變追逮繫獄總督愛必達以尙賢在廠造軍器張黃蓋誣鄒啟周劫掠外夷致死又斃客民陳錫爵及充通事隨緬使入貢於途招搖諸罪狀參奏治罪旨未下瘐死獄中尙賢死茂隆廠遂爲夷人所據矣蓋夷人之所憚者尙賢與宮裏雁耳又誘殺宮裏雁邊防兩虎一旦自去未幾而有征緬之役騷動幾遍天下未始非由當日大吏之措置乖方所致也苟當

日有通達治體之重臣善攝制尙賢並緬甸而郡縣之匪惟銀廠可
實內地而廠民亦足以防邊矣中國自撤藩籬至今茂隆歸渣纍纍
然若山阜者致爲外人所垂涎而棄如敝屣可慨也夫

參騰越州志土司志孫
士毅綏緬紀事清文獻

通考四裔考
甸歸誠始末

檀萃茂隆廠記
肅亭雜記編
方國瑜吳尙賢開辦茂隆銀廠

宮裏雁其先傳爲江寧人明永明王入緬所遺種號曰桂家或謂隨
從桂王之屬也緬執永明王後諸人散處沙洲蠻不之逐謂水至盡
漂矣已而水至洲不沒蠻共神之百餘年生聚日盛稱桂家兵力強
羣蠻畏之桂家據波竜廠廠力弱不能支蠻者丐必往助之時亦有
敏家大抵桂家之屬也其強不逮桂家遠甚宮裏雁者桂家之最強
豪也貌偉而怪滿面皆髯每鬪矢石不能及身故爲蠻所畏開采波
竜廠幾與茂隆埒時與緬有隙茂隆廠長吳尙賢伺間入緬欲和之

不聽且掠劫尙賢尙賢集緬兵三千餘人與戰亦不勝乾隆十七年
敏家破阿瓦走噠喇入據其城十八年甕藉牙與桂家戰勝之並敗
敏家十九年噠喇爲得楞子所殺甕藉牙敗得楞自立於木梳尋徙
阿瓦以力脅服諸土司且擊敗波竜廠走宮裏雁遂篡緬甸二十五
年甕藉牙死子孟絡嗣與各部構兵如故二十七年宮裏雁被緬酋
追殺甚急由猛良奔耿馬又由孟定之邦模南板入奔窮蹙無所歸
由是而猛戛而猛尹散處各村寨初宮裏雁自阿瓦出奔帶練千三
百人至木邦撥給占朶莽五百人實僅八百又脅從阿瓦緬子木邦
擺夷及擄掠男婦三千餘人抵猛尹猛尹頭目率衆驅之宮裏雁乞
內附寄居孟連土司刀派春遂赴猛尹收其兵器戶索銀三兩得其
衆安插猛尹各圈寨宮裏雁不受土司之管轄大相嗟怨遂挈其妻

妾赴石牛廠宮裏雁以妻妾不相能置其妻囊占及男婦千餘人於孟連刀派春向囊占索其畜產即與之索其次女即與之索其長女即與之後索囊占囊占怒夜潛糾衆焚孟連城殺刀派春家屬三十餘人逃免者僅應襲之刀派先及刀派春妾二人囊占撒拉多率衆逃猛養刀派春族弟刀派英率練追勦而猛養夷衆亦各要路劫殺囊占遂敗入緬甸刀派英函石牛廠民龍得拉王天和等將宮裏雁款留宮裏雁不知也永昌守備重穀聞變欲以宮裏雁爲功檄耿馬土司罕國楷誘擒宮裏雁並其妾婢六人及其餘黨阿占阿九囚解赴省布政使永泰曰孟連之變宮裏雁不知况其夫妻不睦避居兩地今爲緬酋所忌憚奈何代敵戮仇按察使張逢堯雲南府龔士模訊稱宮裏雁雖堅供不知情但勢窮來歸先令妻屬詭計歸服以致

劫掠罪有攸歸且連年與緬酋擄殺既經擒獲不可仍留夷地之害
應正法先總督吳達善聞宮裏雁有七寶鞍爲明太監王坤由北京
內庫所竊者差弁索之宮裏雁以祖宗傳物悛不肯獻爲達善所蠱
遂左袒張龔之議殺宮裏雁於南門月城以其婢妾分其功臣於是
緬蠻開天下騷動矣厥後征緬軍敗時緬追正急囊占忽出截緬緬
始退囊占語漢兵曰我宮裏雁妻囊占也先夫見害我乃與漢爲仇
今大喪師汝創殘猶追之不已我心不忍故截退緬使汝輩得生歸
歸語漢人知囊占一女子雪恨報仇滅刀某全家招動木邦木梳以
擾邊界使漢人疲於奔命若使漢不謀害我夫何至小夷跳梁若此
言畢收淚揮其隊而去不復見嗚呼囊占亦奇女子哉

滇繫 刪節緬考 白古
外紀事略 嘯亭雜錄

緬甸歸誠始末 騰
越州志 土司志

按宮裏雁繼吳尙賢而死滇緬自此多事迨緬淪於英而可卜公

司所開之波頓鑛廠

俗乎老銀廠

即昔日宮裏雁所開之波竜銀廠也外

交官吏不諳地形誤將伊洛瓦底江南岸及薩爾溫江西岸地劃歸英國損失領土不下十萬方英里英人於波頓安設機械其初融煉舊日錫渣不過補助開辦基金而已乃二十餘年竟稱世界第一富鑛噫是誰之過與是誰之過與

吳聯元鄧川人善種植住鄧川城北購獲沙礫地數百畝經營三年資已罄有勸其改業者不之聽早作晏息饗殮不繼人皆笑之年餘礫減沙露乃急樹枸杞藤蘿以爲藩籬結廬其中日樹橘柚雪梨禽嘉果之屬又雜植桃李棗杏榛栗諸種雖加榷細茶無不畢種數年後獲利市諸外境逾萬戶侯聯元性戇直常以理屈人自謂種植

無他巧唯順木之性以培植之殆郭橐駝一流歟

採訪

季再思字汝勳白井人道光初年由白井移居北界之拉鮓糜於馬槽溝造紙故世稱一種小白紙曰馬槽溝紙蓋以地名也先是再思種楮柘各數萬株越五年成株乃集鐵鎖人楊旭東顏發榮柳鏡昌等積股雇工經營紙業售於隣近各屬現季楊顏柳諸姓子孫均能世其業其紙有紅白二種每年銷數甚暢村中男婦皆能傭工以食其力實受再思之賜云

採訪

楊朝俊字在位宣威人諸生家計甚豐好植弱小所居凹瓦路在龍場之北地狹而人衆無業者多朝俊提倡造紙以楮皮爲原料製頗精潔境內所產植物俗名爲香花柯及箐香者漫山皆是朝俊令其家人採葉曝乾碾爲米和以松根水造成線香以供人用至今村人

之食其利者三十餘家有地曰以汚曰火租科朝俊購給村人之貧者俾往佃而略取租兩處皆成樂土值歲飢出藏粟以食飢者遠近數十里全活甚衆時岑毓英出征豬拱箐前任臬司龐紹祺以總糧臺過境而旌其門曰德著梓里朝俊旋與諸生范廷誠建倉積穀以爲荒備初就龍塲市面過狹朝俊廷誠出資購地闢而寬之市者稱便遂安斗捐以抵一切公費及夫馬哨金年帳等村民藉免騷擾

巨威縣志

趙懷忠字厚德太和人懷奇負異不隨人步趨與人語不合輒握拳奮爪以故市井惡少與夫衣冠望族而不好禮義者嫉懷忠如仇而賢人君子則折節與懷忠交懷忠少讀書不成去學藝人曰子薄爲不良士乃習賤工耶懷忠應曰人之貴賤蓋不在所業在其心耳士而喪志希榮雖貴猶賤若工而盡吾力以貿食人之所賤天之所貴

也咸豐丙辰亂起懷忠遠走騰永間荷鑪與錘鎚銅鍛鐵以求八口
食行歌坐嘯若自得者人曰曷執干戈從戎焉美官可得也懷忠笑
曰子視吾龜手繭足豈有官人相乎人乃相傳以爲不達世故懷忠
卒以藝事自給年幾九十聆其語強直猶昔匪所謂薑桂之性至老

愈辣者耶

楊瓊撰
墓誌

和清字紹儀麗江人生咸豐間各種工藝不學而能留傳鄉里者有

自發明之昇水機一架並銅笛簫等物

採訪

王熾字昌國一字興齋號虹溪廣西州人也以財雄鄉里鄉里稱善
人始以操奇計贏術賈於蜀漸推於黔楚北至燕南至粵十年而富
二十年而大富富埒王侯然積而能散見義而勇爲自興學睦宗拯
災卹難至於立義田建義倉造義渡鐵索橋之屬動費巨萬無少悛

咸同之際滇亂作熾嘗毀家以紓難既入蜀聞滇中耆舊有被蜚語
蹈不測則窮日夜力控馬馳歸既說當道又出財助之乃免光緒九
年法人來侵越總督岑毓英出師往援鮑超亦自蜀以師來會饒不
給貸諸商不應熾曰師行所以衛國也師以無饒潰自敗之道也必
貸之貸六十餘萬金我軍是以有臨洮宣光之捷熾與遵義唐炯善
炯奉朝命采礦於滇銅本不給輒貸之熾已數十萬矣有諫者曰官
無信義盍慎諸熾曰京師天下本銅之衰王繫乎圜法圜法弊非國
之福也更立公司以濟之以是京運得無闕語曰君子富好行其德

熾可謂知德矣

陳榮昌
撰墓表

舒金和字麗春鶴慶人徵時與兄金培以樵采養親已而同月喪父
母費貸無所得迺斥所有以營葬家益困去學爲賈久之無以知名

時杜文秀據大理西路阻絕遂避之烏竹適煙禁大弛而烏竹界川藏絲是以販煙往還鑪城間獲利殊厚商法先貨後值日期盤金和訾無多然陝商頗信之咸樂以期與交易金和輒如期歸值無或爽者世豐合者鑪之巨商也收責遺布值八百金未筭金和核其誤如數歸之自是義聲滋著鑪商亦樂與之交不數年致貲纍鉅萬標曰興盛和支號徧海內外各大埠雅性喜施與嘗稱曰財者天下之公物也能用乃爲己財積而不能散與無財等首建宗祠輯家譜置義田以贍其族次起學校治橋梁澹菑患前後麾斥以數萬計疆吏旌閭之典相望於道晚年以子姪貴稠疊受封誥人稱之舒太公云鶴慶多文武大吏金和以賈人列其間名聲出諸公上尤篤故舊重風義初助騰越商居有頃請歸娶主人知其絜助之資後此主人家中

落客遊鶴慶金和館之期年及歸爲辦千金裝四季衣皆備朱洪章
鎮鶴慶祕密寄頓金和所萬金及洪章沒於江南廼走其次子良佐
輦金至永州歸本息於其家世尤以此多之卒年八十八

鶴慶
採訪

按麗江郡領廳州縣五其人多習儒獨鶴慶喜治商業無所馮
藉卓然有以自立如舒裕後楊玉寶楊甲壽趙根潤李恆春輩皆
以能商聞李鴻康貨尤鉅世謂之李百萬家此其人雖賈而有士
君子之行而金和尤能以散財發名近歲以來政教陵夷人無固
志鶴慶商業亦稍墮矣

何雲字步青劍川人少有商才能摧剛爲柔轉敗爲勝初起貲不過
千金往來滇中落落未有籌策大理故有三月市至期百貨奔湊盡
一月而止雲挾黃連以往至則他商物山集而價不起衆患之雲以

己物賤值出售無所顧惜他商聞而效之價益落雲悉收買爲己有數日遂空其市俄而黃連價涌貴雲乃獨專其利一月間所贏數千金人稍稍知其能初商蜀之渝州立號曰雲茂興繼移湖北漢口合資立鼎興祥而雲總其成四方商賈往來爭得雲一言爲輕重嘗有商購其麝香歸者視之贗也來面質雲雲審視曰物誠僞此我爲人給餘纍纍者在篋計當值萬金恐不獨此少許也發篋果然迺大張筵席請召賓客酒酣出其麝香對衆投之江中曰我旣受人欺不忍轉以欺同業也由是聲名益起所貨更讎數倍數年間以高資雄漢

上劍川探訪

楊士樸號蔭亭鄧川人咸同間由軍功保同知官至四川內江酆都知縣卓有政聲年老乞歸閉門種菜以松菊自娛里居恂恂然平易

近人毫無官氣任邑中江上總理條陳治河之策馮令嘉納之江干

遍植桑株復於隙地選種樹木爲實業倡

訪採

潘毓芹鄧川人優廩生性曠達成同間亂起保衛地方功居多逮楊
玉科西上籌辦軍實頗著勞績淡於名利不邀爵賞亂平奉委清理
田賦丈荒勸墾留心實業晚年牧羝澗阿藉以娛樂生平上交不諂
下交不瀆推誠相與州理貊蠻皆信之有陶靖節風

訪採